



Publicaziun da la resoluziun d’approvaziun davart la revisiun parziela da la planisaziun locala

Culla resoluziun nr. 954 ho la regenza dal chantun Grischun – applichand l’art. 49 da la ledscha chantunela davart la planisaziun dal territori (LPTGR) – approvo als 9 november 2021 la revisiun parziela da la planisaziun locala (Truochs/La Resgia – Innhub), gnida approveda als 23 lügl 2020 da la radunanza cumünela, e que cullas seguintas prescripziuns ed indicaziuns:

-Il plaun da zonas, plaun generel da furmaziun e plaun generel d’avertüra dal terrain 1:1000 dals 23 lügl 2020 vain approvo i’l sen da las consideraziuns.

-Aunz cu fer ulteriuras revisiuns da la planisaziun locala chi pertuochan ün ingrandimaint u spustamaint dal territori abito, vain la vschinauncha dumandada da s’infurmer tar l’uffizi chantunel pel svilup dal territori, quaut grand cha l’ingrandimaint u il spustamaint possa auncha esser, per cha las revisiuns possan gnir approvedas sainza ün’adattaziun preliminar dal plaun directiv.

-Il recuors da planisaziun es gnieu stricho cun disposiziun dal Departamaint d’economia e fats sociels in consequenza d’accomodamaint/retratta.

-Scha que voul permiss da qualunque gener per la realisaziun da la planisaziun, resta arsalveda la decisiun da permiss da l’autorited u da l’uffizi respunsabel.

Ils mezs da planisaziun approvos e la resoluziun cumpletta da la regenza sun exposts ad invista per 30 dis illa chanzlia cumünela düraunt las uras d’avertüra.

Il president: Jakob Stieger

L’actuar: Urs Niederegger

7522 La Punt Chamues-ch, ils 16 november 2021